

Զ .

Յայ՛ իմ աղանւի պայծառ, որ թելիդ թեպիկն է հազար,  
Երկինք ու գետինք վըկայ՛, եմ սիրեր ու չեմ մոռանար.  
Կուգան ու կուտան հազար, չեմ առնուր ու գքեզ չեմ ի տար:

Է .

Երեսդ է կարմիր ու լան, ի վարդին տերեւն ի նըման.  
Պօլիկդ է բարակ 'ւ երկան,ի շամպայ եղեգն ի նըման.  
Թուխ աչե՛ր, զուգուած՝ շարով. մի՛ ձըգեր վըզիդ մանեման.  
Մի՛ գար մեր դըռնովն անցնիր, մի՛ ձըգեր իմ սիրտըս կուման.  
Դու ինձ խօսքիկ մի ասիր, ես տարտեղ եղայ սարկատան:

Ը .

Քո սերդ իմ սըրտիս միջին հանց մըտեր գետ ոսկի բեւեռ,  
Գնացեր է սըրտիկս ի ներս ու փառչին եղեր կեռումեռ.  
Քո տեսդ իմ սըրտիս միջին հերկ արեր ու դարձեր է եռ:

Թ .

Սիրել պիտի գայն աղուորն որ դընդիկն է կարագ ու մեղր,  
Բերնիկն է շաքի սովոր 'ւ երեսիկն է պագնելու տեղ:

Ժ .

Յայ՛ իմ մահալի մորճուկ, մեր աղբիւրն ի ջուր ես եկեր.  
Լուսինըն ի քո ծոցէն աղբըրին ի յակն է ցաթեր.  
Երնեկ ես անոր կուտամ որ գիշերն ի ծոցդ է պառկեր,  
Գըրկիկ կուռ միջացդ ածեր ու գբերնիդ բուլորն է պագեր:

Ժ Ա .

Կօզա՛լ, քեզ բանիկ մասեմ, քո ահուդ չեմ իշխեր ասել.  
Անոր համար չեմ ասեր՝ դուք հարուստ էք ու մեք տառապել.  
-Ծօ՛, ասա՛ եւ մի՛ վախեր, շատ հարուստ է տառապելացել,  
Անչափ հարըստի դըստրիկ տառապելի ծոցիկ է պառ կել:

Ժ Բ .

Ամեն քար ի յիր տեղին է ամուր, 'ւ ես եմ գըլորեր.  
Երնեկ ես անոր կուտամ որ ո՛չ հոգ ունի ո՛չ երեր.  
Դուն ալ սիրու տեր լինի՛ս, լօք ընկնի՛ս ի հոգ 'ւ ի երեր.  
Ամեն օր ինձ հետ հաշտ 'իր, ու այսօր ի՞նչ ես խըռովեր: